

## 1. Inngangur

Í þessu upplýsingabréfi er lýst verklagi sem fluglæknar skulu fylgja við heilbrigðiskoðanir og meðferð gagna. Nánara verkleg getur verið að finna í handbók fluglæknaseturs (AeMC) fyrir þá fluglækna sem þar starfa.

## 2. Framkvæmd og skilyrði

### 2.1 Fyrir skoðun

Umsókn um heilbrigðisvottorð skal leggja fram á þar til gerðu eyðublaði útgefnu af Samgöngustofu. Ganga skal úr skugga um að umsækjandi hafi fyllt út alla tilskylda reiti á eyðublaðinu þ.m.t. undirskrift.

Áður en heilbrigðisskoðun er framkvæmd skal fluglæknir ávalt ganga úr skugga um að umsækjandi sé sá sem hann segist vera, t.d. með framvísun persónuskilríkja. Fluglæknir skal einnig ganga úr skugga um að heilbrigðisvottorðin geti farið fram án tungumálaörðuleika

Fluglæknir skal skoða gildandi heilbrigðisvottorð, sérstaklega með tilliti til takmarkana. Geti umsækjandi ekki framvísað gildandi heilbrigðisvottorði eða síðustu útgáfu heilbrigðisvottorðs, skal ekki gefa út vottorð nema að höfðu samráði við Samgöngustofu.

Fluglæknir skal upplýsa umsækjanda um afleiðingar þess að ófullnægjandi, ónákvæman eða rangan framburð um heilsufarssögu sína, sbr. einnig undirskrift á eyðublaði.

### 2.2 Framkvæmd skoðunar

Skoðun skal ávallt framkvæmd í samræmi við gildandi reglur og hliðsjónarefni.

### 2.3 Niðurstaða skoðunar

Að lokinni skoðun skal fluglæknir tilkynna umsækjanda hvort hann sé metinn hæfur, ekki hæfur eða máli hans vísað til flugmálayfirvalda, fluglæknaseturs eða fluglæknis eftir því sem við á.

Fluglæknir skal tilkynna umsækjanda um allar þær takmarkanir sem hamlað geta þjálfun eða haft áhrif á réttindi viðkomandi skírteini/vottorðs/staðfestingar

Telji fluglæknir umsækjanda ekki hæfan til útgáfu heilbrigðisvottorðs skal hann tilkynna slíkt tafarlaust til Samgöngustofu á þar til gerðu eyðublaði.

Jafnframt skal umsækjanda tilkynnt um rétt sinn til að fá niðurstöðuna endurskoðaða af Samgöngustofu. Að lokinni skoðun skal fluglæknir án tafar senda skýrslu vegna skoðunar og afrit af heilbrigðisvottorði (ef við á) til Samgöngustofu.

### 2.4 Meðferð gagna

Fluglæknir skal tryggja trúnað heilbrigðisgagna, vista þau á öruggum stað og ekki afhenda óviðkomandi.